

周禮正義

冊
古

周禮正義卷五十六

瑞安孫詒讓學

中秋教治兵如振旅之陳疏

中秋教治兵者秋習兵之法也穀梁莊八年傳云出日治兵習戰也左傳隱五

年杜注云治兵始治其事爾雅釋天云出爲治兵尚威武也郭注云幼賤在前貴勇力案教治兵者教始出治軍之事春秋莊八年經正

月甲午治兵左氏謂治兵于廟公羊作祠兵何注謂將出兵祠於近郊與此經不合鄭所不從詳前疏云如振旅之陳者亦如戰之陳也

辨旗物之用王載大常諸侯載旂軍吏載旗師都載旛鄉家載物郊

野載旐百官載旗各書其事與其號焉其他皆如振旅

軍吏諸軍帥也師都遂大

夫也鄉遂鄉大夫也或載旛或載物衆屬軍吏無所將也郊謂鄉遂之州長縣正以下也野謂公邑大夫載旂者以其將羨卒也百官卿

大夫也載旗者以其屬衛王也凡旌旗有軍衆者畫

疏辨旗物之用異物無者帛而已書當爲畫事也號也皆畫以雲氣

下文注以出軍之旗則如秋則此經是在軍旌旗也案賈說非也此辨旗物即左宣十二年傳所謂百官象物而動也秋治兵所載旗與

司常冬大閱所載旗同而文有錯綜互見鄭不得其義遂強爲之說謂此經爲出軍之法司常爲平時尊卑之常禮賈亦沿其誤今攷定

旛物爲五旗之通制經故錯文見義大閱與治兵載旗物本不異也詳後疏云王載大常諸侯載旂者與司常大閱所建同凡五等諸侯

同載旂唯旂數依命數各異詳司常疏云軍吏載旗者謂六軍將吏通軍將以下至伍長言之軍將當載熊旗之旛師帥以下當載熊旗

之物以命數差之蓋軍將六旂師帥旅帥四旂卒長三旂兩司馬二旂伍長一旂也案此經列七等載旗敘次並與司常同唯彼文以旗列旂物後者以旂物爲五旗之通制而常旂爲王侯所載唯有旂而無物旗則旂物兩有宜與旂同列也今此經獨以旗列旂物前與彼不合未詳其義云師都載旂者師當作帥司常師都建旂經注誤同石經及各本亦並誤凡五旗通有旂此帥卽六軍之將以其皆命卿故建熊旗之旂上軍吏內雖亦含有軍將然彼通乎大小明其同載熊旗此又特出軍將以明其別爲通帛以示尊異亦互文見義也都則爲大小都之長凡食都者必卿以上故亦載熊旗之旂以下諸旂旂數之異並詳司常疏云鄉家載物者唐石經初刻家作遂後磨改家宋以來各本並作遂段玉裁云此當從唐石經作鄉家各本作鄉遂非也假令是鄉遂則注不得云鄉大夫也嚴可均云上文師都建旂鄭注師都遂大夫也旂師都爲遂此不得復言遂案段嚴說是也賈疏所據本已誤月令注引此職亦作遂蓋後人依此經誤文追改之俗本彼注或又改作師遂尤誤物亦五旗所通有此鄉所載者爲鳥旗之物故司常云州里建旂州里卽鄉吏也家爲家邑之長所載者爲熊旗之物與上都旗同而以純駁爲降殺詳後疏云郊野載旂者郊爲四郊野爲六遂及四等公邑郊遂公邑地相連比故同載旂司常縣鄙建旂縣鄙卽公邑也上文芟舍縣鄙與野並列故彼野中不含公邑此文不見縣鄙唯有野明野中兼有遂及公邑散文通也詳後疏云百官載旂者通駭孤卿大夫士司常云孤卿建旂大夫士建物蓋同建鳥旗而以旂物爲尊卑之異又依輔人旂當尊於旂旄而列於末者經文不次也並詳司常疏云各書其事與其號焉者謂大常以下諸旂物亦書事號以相別異與芟舍所辨之號名制略同也凡旂物徽識並有書詳司常疏賈疏謂此二者卽是仲夏百官各象其事及號名等秋雖不具辨號名略舉之見四時皆有此物鄭意

或當如是然非經義也注云軍吏諸軍帥也者賈疏云亦謂從軍將至下伍長皆是軍吏也云師都遂大夫也者師亦當爲帥各本並
誤司常注云帥都六鄉六遂大夫也此但云遂大夫鄭意下文又有
鄉家載物鄉大夫既別在鄉中則帥都內止有遂大夫故與司常注
義異賈疏謂司常孤卿建旌鄉大夫是鄉建旌是其常帥都載旌不
嫌無鄉大夫故鄭直舉遂大夫實非鄭情然遂大夫爲中大夫於常
法不得載旌又全經五篇別無六遂稱都之文卽依其說亦與司常
經注岐悟足徵其非達詁今案帥都當分爲二帥當與前發舍章之
帥以門名同蓋專屬六軍之將都則當從江永說爲都家蓋此都卽
載師之大都小都彼注云大都公之采地王子弟所食邑也小都卿
之采地並指大小都之君長也此皆與鄉遂無涉鄭二注並誤詳司
常疏云鄉遂鄉大夫也者遂當依唐石經經文作家賈疏及宋以來
各本並誤鄭以遂大夫已在上帥都內明此鄉家止有鄉大夫也今
攷帥都非遂大夫而此鄉家亦當分爲二鄉則專指六鄉之官蓋與
司常州里正同皆通州長至比長諸官言之說文勿部謂勿爲州里
所建勿卽物正字許疑卽據此經舊說蓋亦謂鄉卽州里也但鄉大
夫爲卿當載旌則不得在此鄉內而鄉大夫在軍多因爲軍將則上
文帥建旌足以咳之明此鄉當斷自州里以下鄭賈說殊未析家卽
前發舍章家以號名之家亦卽載師之家邑彼注云大夫之采地是
也蓋大小都之長爲公卿王子弟故載旌家邑之長爲大夫故載物
此與司常孤卿建旌大夫士建物亦足互證若然鄉家雖同載物而
鄉所載者爲旗物家所載者爲旗物章色實不同也綜而論之此鄉
與上云帥文互相備而家則與上云都文又正相對其等衰亦適合
鄭誤以鄉家爲一蓋謂六鄉十萬五千家所居亦得謂之鄉家其說
固非賈又據誤本作鄉遂疏云以其遂大夫是中大夫建物是其常
今鄉遂建物不嫌無遂大夫故鄭直舉鄉大夫也案依賈述鄭是遂

大夫載廬又與鄉大夫同載物一官兩載其謬明矣云或載廬或載物衆屬軍吏無所將也者鄭謂廬物皆無畫章無軍衆者乃載之也賈疏云鄉遂大夫若爲軍將則在軍吏載旗軍中領衆來時亦載旗今載廬載物不載旗故知己之所管之衆屬他軍吏己無所將以其己無武用非直不爲軍將亦不爲諸帥故全無所將以是載廬載物而已若然既不爲軍吏遂大夫上得與鄉同載廬鄉大夫則是鄉下得與大夫同載物也以鄉遂大夫掌衆同故同載物也俱兩載者以其不爲軍將又不任鄉職鄉大夫尊卑之常當載廬載物而已故容其兩載也案賈說非也鄭誤以帥都載廬爲遂大夫之不爲軍將者鄉家載物爲鄉大夫之不爲軍將者故爲此說今案帥都之帥明是軍將況廬物爲五旗之通法非無畫章亦不必無軍衆者載之又鄉大夫爲鄉不爲軍將亦當載廬不載物而遂大夫則是中大夫當載物不載廬皆不得如鄭說又依鄭說遂大夫載廬不載物鄉大夫載物不載廬賈云俱兩載尤非鄭情矣云鄉謂鄉遂之州長縣正以下也者鄭以六鄉在遠郊以內六遂雖在甸不在郊而鄉甸地相連比故小司徒大比六鄉四郊之吏注云吏在四郊之內主民事者又遂士掌四郊注謂六遂之獄在四郊是也鄉州長以下則有黨正族師閭胥比長遂縣正以下則有鄙師鄣長里宰鄰長故此注亦以郊爲兼鄉遂羣吏然小司徒以六鄉與四郊並言則郊與鄉異六遂在甸縣師以稍甸與郊里並言則郊與遂亦異鄭說亦與經不合今攷郊雖與鄉遂地相連比而實不同蓋遠郊以內地居四同以七萬五千家爲六鄉其外餘地並謂之郊此建旄之郊吏卽四郊之吏也蜡氏云令州里除不蠲以及郊野彼州里卽鄉里而別言郊野明郊野得包四郊六遂公邑而不得有鄉州足證此經之義矣云野謂公邑大夫者前注同案縣師徵野之賦貢縣士掌野並畎四等公邑言之但六遂亦在甸此野當兼有六遂與遂人掌邦野義同吳廷華莊有可

亦釋此野爲六遂自遂大夫至鄰長皆是也遂地內接四郊而外接
甸公邑故吏所載並同互詳前疏云載旄者以其將羨卒也者鄭意
旄有畫章明亦有軍衆也賈疏云以其六鄉之內上卿致民一家一
人爲正卒其餘皆爲羨卒六遂之內下卿致民家一人爲正卒一人
爲羨卒其餘爲餘夫正卒既屬軍吏其餘羨卒使此州長已下等不
爲軍吏者領之但公邑之內雖不見有出軍之法若出軍亦當與鄉
遂同以其得爲溝洫法故也若出軍亦正卒使大夫等爲軍吏其餘
羨卒亦使不爲軍吏者領之案賈據匠人注公邑不制井田故謂其
軍制同於六遂實則公邑介於采地之閒不宜獨爲不井之田則其
軍制亦當依司馬法丘甸出車馬之法不得與鄉遂同也互詳小司
徒匠人疏羨卒詳小司徒疏云百官卿大夫也載旗者以其屬衛王
也者此亦謂無地治者卽上注云百官以其職從王者明其屬亦有
軍衆故旗有畫章也然此說亦未塙云凡旌旗有軍衆者畫異物者
畫物謂日月交龍熊虎鳥隼龜蛇等旗各異章賈疏云卽經天子諸
侯軍吏郊野百官是也云無者帛而已者賈疏云鄉遂載旌物是也
詒讓案帛謂通帛雜帛鄭以旌物無畫章又以有軍衆畫異物無軍
衆者不畫亦肥說也今攷定旌物爲五旗之通制郊野爲四郊六遂
皆有軍衆與畫異物之說尚不相違而帥都爲六軍之帥及大小都
之長鄉家爲六鄉之吏及采邑之長則亦有軍衆鄭說不可通也云
書當爲畫者段玉裁云司常職不從子春易畫爲書此易書爲畫者
作畫義長也云當爲者謂爲字之誤也詒讓案此當從書爲是鄭破
爲畫未塙詳司常疏云事也號也者賈疏云事卽上百官言事號卽
上家言號不言名此亦有名文略耳云皆畫以雲氣者釋文云氣本
或作乞案說文气部云气雲气也米部云氣饋客之芻米也則雲氣
正字當作气乞卽气之省經典通段氣爲之鄭意事號書於徽識其
旁更畫以雲氣也雲氣賈疏謂畫五色雲氣此義亦未塙詳冪入司

常遂以獮田如蒐之灋羅弊致禽以祀祊秋田爲獮獮殺也羅弊罔止也秋田主用罔中殺者

多也皆殺而罔止祊當爲方聲之誤也秋疏遂以獮田如蒐之灋者田主祭四方報成萬物詩曰以社以方秋大田之法也俗本蒐

下有田字今依唐石經刪阮元云中夏云遂以苗田如蒐之灋無下田則此爲衍文無疑嚴可均說同賈疏云上文教載旗幟物訖遂入

防行獮田之禮其灋如蒐田之灋云羅弊致禽以祀祊者賈疏云秋田主用羅羅止田畢入國過郊之神位乃致禽以祀四方之神詒讓

案致禽謂使獲者以禽來致於虞中旣致乃擇取以獻祭於四方之神此致禽與春蒐夏苗言獻禽異甸師先鄭注約引此文作獻殊未

審詳前疏注云秋田爲獮獮殺也者說文大部云獮秋田也从犬璽聲獮卽獮之省獮殺爾雅釋詁文又釋天云秋獵爲獮郭注云順

殺氣也左隱五年傳秋獮杜注云獮殺也以殺爲名順秋氣也國語周語云獮於旣烝韋注云秋田曰獮獮殺也順時始殺也烝升也月

令孟秋乃升穀天子嘗新旣升謂仲秋也又齊語云秋以獮治兵管子小匡篇亦云秋以田曰獮治兵漢書刑法志云秋治兵以獮案月

令季秋云天子乃教於田獵以習五戎班馬政命僕及七驍咸駕載旌旄授車以級整設於屏內司徒摯摯北面誓之天子乃厲飾執弓

挾矢以獵彼說秋獵在季秋不在中秋者秦制與周不同也云羅弊罔止也者羅卽罔之通稱詳敘官疏弊訓止亦與上文火弊車弊同

云秋田主用罔中殺者多也者王制云禽獸魚鼈不中殺不粥於市注云殺之非時不中用則中殺謂時當殺中用者也秋萬物長成中

殺多取之無所擇故以罔爲主云皆殺而罔止者謂田畢則罔弛不復用亦以罔止爲田止之節也云祊當爲方聲之誤也者段玉裁云

此因祭名加而旁同於或繫字呂飛鵬云說文云繫門內祭先祖所以傍徨重文祊云繫或從方據此則祊爲繫之或體所謂祭先祖者

鄭注以此爲主祭四方故易其字曰當爲方賈疏云以祊乃是廟門之外內惟因祭宗廟及明日繹祭乃爲祊祭今旣因秋田而祭當是祭四方之神故云誤也云秋田主祭四方報成萬物者與詩甫田箋義同此因田而告薦四方非正祭也月令季秋說天子獵命主祠祭禽于四方彼注亦引此經祀方爲證彼在季秋與此仲秋時雖不相當而因田獵祭四方事則同則方爲兼四方之神可知又此四方之神禮秩與社相等卽大宗伯地祇之五祀與四方百物之小神異蓋以分主五行言之則曰五神以分位四方言之則曰四方其實一也故曲禮云天子祭四方注云謂祭五官之神於四郊國語越語云皇天后土四鄉地主正之章注云鄉方也彼四鄉地主蓋亦指四方地祇而言御覽天部引易緯通卦驗亦有祭四鄉之文是也凡天子惟仲秋時祭四方五神而大獮又有告薦之禮二者不同互詳大宗伯疏呂氏春秋季秋紀亦有主祠祭禽四方之文高注云祭始設禽獸者於四方報其功也不知其神所在故博求於四方此以四方爲博求始造田獵之神不爲地祇之五祀與鄭不同恐非引詩曰以社以方者小雅甫田篇文毛傳云方迎四方氣於郊也鄭箋云秋祭社與四方爲五穀成熟報其功也案毛以方爲迎氣則是通祭五帝五神與御覽禮儀部引鴻範五行傳六沴之祭亦云祭四方略同依鄭箋義則彼爲四方之正祭特祀五神而不及五帝然與此因田告薦四方事亦小異此引以證秋有祭四方之事耳非謂此祀方亦爲正祭也

中冬教大閱
春辨鼓鐸夏辨號名秋辨旗物至冬大閱簡軍實凡頒旗物以出軍之旗則如秋以尊卑之常則如冬司

常佐司馬時也大閱備軍禮而
疏中冬教大閱者冬習兵之法也賈

旌旗不如出軍之時空辟實
疏云以冬時農隙故大簡閱軍實

之凡要也江永云大閱不分班習戰則車徒甚衆四表之地無多縱

列大狹橫列大闊竊意四時之田並分番教閱一田不必徧集王畿

之民一人不必歲供四役否則寧無妨農乎注云春辨鼓鐸夏辨
號名秋辨旗物至冬大閱簡軍實者說文門部云閱具數于門中也
賈疏云欲見春夏秋各教其一至冬大閱之時總教之詒讓案鄭知
大閱爲簡軍實者春秋桓六年經秋八月壬午大閱左傳云大閱簡
車馬也公羊傳云大閱者何簡車徒也何注云大閱簡兵車使可任
用而習之比年簡徒謂之蒐三年簡車謂之大閱五年大簡車徒謂
之大蒐漢書刑法志於四時常田之外亦云連帥比年簡車卒正三
年閱徒羣牧五載大簡車徒並與禮經不合不足據大戴禮記夏小
正云十有一月王狩陳筋革陳筋革者省兵甲也亦大閱簡軍實之
證軍實詳獸八疏云凡頒旗物以出軍之旗則如秋以尊卑之常則
如冬司常佐司馬時也者賈疏云以其王與諸侯所建秋冬同又秋
云軍吏載旗師都載旛鄉遂載物郊野載旐百官載旗不言旌旌二
者以其是出軍之法故不言道車游車所載大閱之時見尊卑之常
故司常云孤卿建旛大夫士建物師都建旗州里建旛縣鄙建旌道
車載旛游車載旌此爲異也詒讓案鄭以司常大閱贊司馬頒旗物
與前中秋治兵所頒旗物不同遂以爲秋冬異法不知治兵大閱同
屬軍禮不當有異司常與此兩經乃互文錯見義實同也詳司常及
前疏云大閱備軍禮而旌旗不如出軍之時空辟實者賈疏云大閱
雖備禮是教戰非實出軍法是其空也秋教治兵治兵是出軍法故
寄出軍之旗於彼是冬之空辟實出軍法者也趙商問巾車職建大
麾以田注田四時田獵商按大司馬職四時皆建大常何鄭答曰麾
夏之正色田雖習戰春夏尚生其時宜入兵夏本不以兵得天下故
建其正色以春夏田至秋冬出兵之時乃建大常趙商又問巾車職
曰建大白以卽戎注云謂兵事司馬職仲秋辨旗物以治兵王載大
常注凡頒物以出軍之旗則如秋不知大白以卽戎爲何時答曰白
者殷之正色王卽戎者或命將或勞師不自親將故建先王之正色

異於親自將也案鄭賈並以司常與此經文小異而不得其義故爲此說以釋秋冬治兵頒旗異同之故其說亦非也金榜謂大閱旗物與治兵同又駁鄭說云四時之田春辨鼓鐸夏辨號名秋辨旗物至大閱備焉鼓鐸號名辨於春夏者無變也不當獨於旗物空辟實案金說足正鄭說之誤金又謂王四時田乘木路即戎乘革路皆建大常巾車木路建大麾革路建大白者乃有大事陳路備五旗時所建彼文建大麾大白與以田即戎之文不相冢其說亦致塙鄭答趙商以爲春夏田建大麾秋冬田建大常戎事親將建大常不親將建大白並失之互

前期羣吏戒衆庶脩戰灋

羣吏鄉師以下

疏前期者賈疏云謂

十日此亦在教戰前不必要十日前也詒讓案司馬法嚴位篇云凡戰三軍之戒無過三日此云前期蓋在大閱三日以內云羣吏戒衆庶脩戰灋者江永云即鄉師出田法於州里之事非羣吏又分教戰法也案江說是也戰法者大司馬所掌師田之官法以習兵言之則曰戰法以田事言之則曰田法二事本相因鄉師注云田法人徒故所當有

注云羣吏鄉師以下者即小司徒云六鄉四郊之吏是也

賈疏云見鄉師職云凡四時之田前期出田法于州里簡其鼓鐸旗物兵器脩其卒伍是其事也言鄉師以下則不及鄉鄉是鄉大夫則鄉也則可及州長故州長職云若國作民而師田行役之事則帥而致之掌其戒令與其賞罰黨正云凡作民而師田行役則以其法治其政事族師亦云若作民而師田行役則合其卒伍簡其兵器以鼓鐸旗物帥而至是其以下之事也案賈說非也注云鄉師以下則鄉師即在羣吏之列安得云不及鄉若鄉大夫則不掌田役致衆之事故注不數之非謂不及鄉也

虞人蒞所田之野

爲表百步則一爲三表又五十步爲一表田之日司馬建旗于後表

之中羣吏以旗物鼓鐸鑼各帥其民而致質明弊旗誅後至者乃

陳車徒如戰之陳皆坐

鄭司農云虞人萊所田之野芟除其草萊令車得驅馳詩曰田卒汙萊玄謂萊芟除可陳

之處後表之中五十步表之中央表所以識正行列也四表積二百五十步左右之廣當容三軍步數未聞致致之司馬質正也弊仆也

皆坐當聽誓

疏

虞人萊所田之野者獸人先鄭注約此經萊作釐音近字通疑故書或本有作釐者注偶失校也賈疏云虞人者若

田在澤澤虞若田在山山虞謂使其地之民於可陳之處芟除草萊云爲表百步則一爲三表者賈疏云按下注引月令司徒北面以誓

之此經云司馬建旗於後表之中車徒皆坐則此於可陳之中從南頭立表以北頭爲後表也云田之日司馬建旗于後表之中者田之

日謂大閱日之日質明之前建旗亦大司馬命司常建之後弊旗同云質明弊旗誅後至者致民以質明爲限過此則爲後至其時則

弊前所建之旗示不復致有後至者則治以失期之罪後大師致衆亦同云乃陳車徒如戰之陳者戰陳每車一兩士徒二十五人車徒

相將同列一處與田狩之陳車徒異屯不同建旗致民在後表之中至弊旗之後列陳則當在後表之外蓋四表之北尚有餘地表內則

皆習戰之地不能容六軍也注鄭司農云虞人萊所田之野芟除其草萊令車得驅馳者山虞後鄭注云萊除其草萊也先鄭意田獵

之地草盛則田車不得疾行故必除草令車得驅馳也引詩曰田卒汙萊者小雅十月之交篇文毛傳云下則汙高則萊引之者證萊謂

草萊也云玄謂萊芟除可陳之處者先鄭以萊爲芟除草萊後鄭所同惟先鄭以萊所田之野爲環所田獵之地除草辟道以通車後鄭

因經云萊所田之野下卽說爲四表及除車徒之事故謂所萊者止據列陳之處而言不及陳外田獵之處今攷穀梁昭八年傳說蒐狩

之事云艾蘭以爲防過防弗逐范注云蘭香草也防爲田之大限毛詩小雅車攻傳亦云田者大艾草以爲防又云戰不出頃田不出防然則田之芟除之地有二一爲習戰之地則盡艾其草以爲列陳及立表之所所謂頃也一爲田獵之地則艾禁外四旁之草以通車且以爲田限而留其中厲禁之地不艾以藏獸所謂防也田之防包羅原野其限至廣闊而戰之頃則四表從不過二百五十步廣足容六軍而止益以列陳之地廣袤亦當不逾百步其界域有定蓋卽於防之內爲之車攻孔疏謂鄭言教戰之所毛言田獵之處二者同處是也二鄭此注各舉其一義實互相備賈疏據王制有火田及車攻傳大艾草爲防然後焚射之文謂田處不得芟草萊不知田處雖不芟草而爲防及通車之道仍須芟艾也云後表之中五十步表之中央者經云後表明是最後第一表距第二表五十步之中若然建旗之處距第一第二兩表各二十五步也云表所以識正行列也者荀子大略篇云水行者表深楊注云表標志也管子君臣篇云猶揭表而令之止也尹注云表以木爲標有所告示也國策燕策韓魏共攻燕楚王使景楊將而救之暮舍使左右司馬各營壁地已植表是軍禮營壁必先樹表此大閱旣不爲營壘又萊所田之野廣平無畔限故樹木爲表標識步數以正進退之行列也公羊定四年徐疏云表者謂其戰時旅進旅退之限約賈疏云於可陳之中央立此四表表兩相各有三軍之衆至表則閱一而坐坐而更起是表正行列也云四表積二百五十步者賈疏云以三表之閒有二百步又加一表五十步故摠爲二百五十步也詒讓案此謂最北一表爲後表以南五十步爲二表又南百步爲三表又南百步爲四表謂之前表是四表積二百五十步也尉繚子兵教上篇云大將教之陳於中野置大表三百步而一尉繚書蓋不數後表五十步故止三表而每表相去步數與此經正同司馬法仁本篇云古者逐奔不過百步故此表遠者亦

以百步爲限云左右之廣當容三軍者謂所萊之野中建四表南北步數有定表之東西經無見文要度其廣輪必足容三軍之陳也賈疏云天子六軍左右之地各容三軍此鄭據天子六軍整數而言其實兼羨卒之等故小司徒職云凡起徒役無過家一人唯田與追胥竭作鄭云國人盡行是非止六鄉之民六軍而已云步數未聞者以南北三表東西不別立表列陳步數無文今攷戰不出頃東西疑亦三百步左右足容三軍互詳後冬狩疏云致致之司馬者州長云若國作民而師田行役之事則帥而致之注云致之致之於司徒也此云致之司馬者以司徒掌衆庶司馬掌師田相與聯事故鄉師等率其民而致之司徒亦致之司馬也云質正也者詛祝注同士冠禮質明注亦訓質爲正地官敘官注云質平也正與平義亦相近質明謂天正明時卽左傳昭五年杜注說十二時之平日在雞鳴後食時前是也此四時習戰春振旅秋治兵冬大閱蓋皆質明而陳惟夏茅舍習夜事爲異也云弊仆也者獸人注同弊旗猶言下旗王制天子殺則下大綬鄭注云下謂弊之云皆坐當聽誓者據下文坐謂坐陳也尉繚子兵令篇云立陳所以行也坐陳所以止也晏子春秋內篇諫下云吾聞介冑坐陳不席左桓十三年傳云楚伐絞坐其北門又文十二年傳云裹糧坐甲昭二十七年傳云王使甲坐於道左司馬法嚴位篇云立進俯坐進跪又云徒以坐固荀子正論篇云羣吏聽誓庶士介而坐道及樂記說大武舞亂皆坐亦象軍列也

于陳前斬牲以左右徇陳曰不用命者斬之

羣吏諸軍帥也陳前南面鄉表也月令季秋天

子教于田獵以習五戎司徒摺扑北面以誓之此大閱禮實正歲之中冬而說季秋之政於周爲中冬爲月令者失之矣斬牲者小子也凡誓之大略甘誓
疏羣吏聽誓于陳前者司馬法天子之義篇云有湯誓之屬是也
虞氏戒于國中夏后氏誓于軍中殷誓于軍門

之外周將交刃而誓之以致民志也文選東京賦李注引尹文子云將戰有司讀誥誓三令而五申之既畢然後即敵案誓即誓以士師田役之禁毛詩鄭風定之方中傳說大夫九能之事云田能施命令即誓命也此習戰前之誓誓以軍法與表貉後之誓誓以田法異此表貉後不云誓民者與大蒐章互相備也詳前疏賈疏云士卒皆於後表北面坐羣吏諸軍帥皆在士卒前南面立以聽誓云斬牲以左右徇陳者說文千部云徇行示也引司馬法斬以徇徇即徇之俗賈疏云從表左右向外以徇陳云曰不用命者斬之者不用將帥之命其刑則斬也大司寇五刑二曰軍刑上命糾守注云命將命也大田用軍法誓衆故亦以犯命爲最重也注云羣吏諸軍帥也者上羣吏戒衆庶脩戰法注云鄉師以下此既陳軍則宜爲軍將以下亦以鄉吏在軍即爲軍將以下名異而實不異也賈疏云從軍將以至伍長謂衆軍吏建旗者也云陳前南面鄉表也者初列陳時羣吏帥士卒陳於後表之中將聽誓則士卒表內北面坐羣吏出至表外陳前南面鄉後表而立以聽誓與司徒北面誓正相對也以士卒皆北面坐故以北爲前與立表以南爲前異引月令季秋天子教于田獵以習五戎司徒摺扑北面以誓之者鄭彼注云教于田獵因田獵之禮教民以戰法也五戎謂五兵弓矢殳矛戈戟也北面誓之誓衆以軍法也孔疏云摺插也案釋文云摺一音初洽反則或亦讀爲插也司徒北面誓蓋正負後表賈疏云引月令者證所誓者是司徒使司徒誓者此軍吏及士本是六鄉之民今雖屬司馬猶是己之民衆故使司徒誓之也云此大閱禮實正歲之中冬者謂夏正建子之月在周爲孟春也凡此經紀時皆據夏正夏之孟春謂之正歲詳小宰內宰疏云而說季秋之政於周爲中冬爲月令者失之矣者賈疏云呂不韋作月令者以爲此經中冬爲周之中冬當夏之季秋故說於季秋是失之矣按月令季秋云是月也天子乃教于田獵以習五戎班馬

政云云注引中秋教治兵法王載大常已下為證不云失至此乃以月令是中冬教大閱法而言為月令者失鄭君兩解之以其彼云司徒誓眾與此誓眾之等同故為大閱彼為治兵法者以彼文授車以等級月命主祠祭于四方又與中秋治兵者同故彼為治兵法也詒讓案依前注則四時習戰田獵並司徒誓之月令所說不必即此中冬大閱且以祭禽四方之文推之與秋蒐之禮尤合似當以月令注為正云斬牲者小子也者賈疏云小子職云凡師田斬牲以左右甸陳是也云凡誓之大略甘誓湯誓之屬是也者士師注義同以二誓並征伐誓神之辭故舉以為證書釋文引馬融書注云軍旅曰誓會同曰誥亦本土師文

中軍以鼙令鼓鼓人皆三鼓司馬振鐸羣吏作旗車徒皆作鼓行鳴鐸車徒皆行及表乃止

三鼓攄鐸羣吏弊旗車徒皆坐

中軍中軍之將也天子六軍三三而居一偏羣吏既聽誓各復其部曲中

軍之將令鼓鼓以作其士眾之氣也鼓人者中軍之將帥旅帥也司馬兩司馬也振鐸以作眾作起也既起鼓人擊鼓以行之伍長鳴鐸以節之伍長一曰公司馬及表自後表前至第二表也三鼓者鼓人也鄭司農云攄讀如弄玄謂如涿鹿之鹿掩上振之為鹿攄者止行息氣也司馬法曰鼓聲不過闐

疏

中軍以鼙令鼓者江永云鼙所以闐鼙聲不過闐鐸聲不過琅引鼓樂有朔鼙應鼙亦是先擊鼙

而後擊鼓以小鼓引大鼓也賈疏云此經總說聽誓既已將欲向南第二表象戰陳初發面敵此即仲春振旅疾徐坐作之一事也云羣吏作旗者諸軍吏各舉其所建之旗也吳子治兵篇云教戰之令一鼓整兵二鼓習陳三鼓趨食四鼓嚴辨五鼓就行聞鼓聲合然後舉旗故此作旗亦在鼓人三鼓之後云車徒皆坐者吳廷華云車猶言坐止亦坐也

注云中軍中軍之將也者周書武順篇云天道尚左

地道尚右人道尚中吉禮左還順天以利本武禮右還順地以利兵
將居中軍順人以利陳江永云中軍元帥也三軍六軍必有元帥如
王在軍則王爲中軍云天子六軍三三而居一偏者謂左三軍居一
偏右三軍居一偏也詩大雅常武篇孔疏云天子六軍當分之爲三
中與左右各二軍也春秋桓五年蔡人衛人陳人從王伐鄭左傳云
王爲中軍號公林父將右軍周公黑肩將左軍是天子之軍分爲左
右之事也案據孔說則天子六軍有二中軍賈疏亦謂此六軍三軍
居一偏皆自有中軍蓋依注說六軍分居左右則中軍自不能并居
一偏但軍令要當從王所處之一偏出耳墨子明鬼篇云夏書禹誓
曰大戰于甘王乃命左右六人下聽誓于中軍此亦王居中軍與左
傳同但元帥所居何偏經注並無攷少儀云軍尚左卒尚右注云左
陽也陽主生將軍有廟勝之策左將軍爲上貴不敗績右陰也陰主
殺卒之行伍以右爲上示有死志蓋敘位次則尊左陳行列則尚右
故老子云君子居則貴左用兵則貴右吉事尚左凶事尚右偏將軍
居左上將軍居右言以喪禮處之左桓八年傳云季梁曰楚人尚左
君必左明周禮尚右若然中軍之將或當居右偏與云羣吏既聽誓
各復其部曲者賈疏云軍吏本各主其部分曲別謂若伍長主五人
兩司馬主二十五人卒長主百人之等皆是部曲至於誓之時出向
衆前聽誓訖各復其部伍本處故云復其部曲也案部曲詳鄉師疏
云中軍之將令鼓者中軍之將自擊鼙以令鼓人鼓也云鼓以作其
士衆之氣也者賈疏述注無也字阮元云通典無也賈疏云春秋左
氏曹翺云一鼓作氣再而衰三而竭是鼓以作士衆之氣也云鼓人
者中軍之將師帥旅帥也者賈疏云按左氏成二年傳晉與齊戰于
鞏卻克傷於矢曰余病矣張侯曰師之耳目在吾旗鼓進退從之於
是右援枹而鼓之時卻克擊鼓哀二年左傳鐵之戰趙簡子曰伏鼓
嘔血鼓音不衰是皆將居鼓下知兼有師帥旅帥者按上文春辨鼓

鐸云軍將執晉鼓師帥執提旅帥執鼙皆是鼓人故知是軍將師帥
旅帥也其卒長執鐃以下皆金非鼓也吳廷華云注既謂令鼓者爲
中軍將又以鼓人亦中軍將是將自令而自鼓之有是理乎竊謂鼓
人當卽司徒之鼓人鼓人職云軍動則鼓其衆田役亦如之卽此經
所謂三鼓也天子六軍故序官鼓人中士六人曰皆三鼓者是中軍
一令而六軍皆鼓也江永亦云此鼓人謂地官之鼓人下文鼓行鼓
進鼓退乃是軍將師帥旅帥之鼓蓋中軍先以小鼓號令而鼓人主
軍動鼓其衆者遂承中軍之令三鼓以作士氣於是振鐸作旗而諸
鼓皆鳴也注謂鼓人爲中軍之將師帥旅帥則地官鼓人不得聯事
矣且中軍將亦不可謂之鼓人下文鼓人皆三鼓放此皆者鼓人非
一也凡云三鼓者疑皆鼓人之鼓案吳江說是也林喬蔭說同鄭賈
說並失之凡軍將以上鼓皆別載詳前疏云司馬兩司馬也者賈疏
云以其上文云兩司馬執鐸故知此經云司馬振鐸者是兩司馬也
黃以周云本職於大司馬皆曰司馬其餘別之曰兩司馬公司馬又
統之則曰羣司馬司馬以旗致民平列陳謂大司馬也司馬建旗于
後表之中司馬振鐸其文皆與羣吏相對兩伍司馬在羣吏中則司
馬亦謂大司馬也鄭以振鐸之司馬爲兩司馬意欲合上兩司馬執
鐸之文則下文鼓行鳴鐸鼓進鳴鐸是公司馬鼓退鳴鐸是卒長竊
謂上文辨鐸鐃鐃爲卒兩伍所執而大司馬別自有鐸鐃猶上辨
鼓軍將執晉鼓師帥執提旅帥執鼙而軍將令鼓別自有鼙也凡鼓
主於軍將軍將以鼙令鼓則晉鼓提鼓鼙鼓皆應凡金主於大司馬
大司馬振鐸兩司馬應之故後又統之曰羣司馬振鐸羣者羣兩司
馬也大司馬鳴鐃則公司馬應之鳴鐃則卒長應之是卒長執鐃兩
司馬執鐸公司馬執鐃皆節制於大司馬猶師帥執提旅帥執鼙皆
聽命於軍將也裨將聽命於中軍中軍主謀卒兩伍節制於大司馬
大司馬主坐作進退疾徐疏數之節案黃謂大司馬別自有鐸鐃鐃